

山大澤密林黑菁葢叢奸伏莽之奧區也自前勝國甲戌迄甲辰爲賊盤據者三十年壬寅歲三省會剿茅麓始經收復抵任初驚鴻寥寥費萬千招撫萬千經營始成縣治歷俸連閏十二年加二級紀錄十次始量轉彝陵知州彝陵古西陵名郡輶綰三峽瀉激長江爲全楚西門癸丑歲十一月內奉督部憲檄發文憑一道勒限於十二月二十八日上任其時三藩竝撤黔滇雖未發難異志已成凡領發文憑俱由藩司今督部電檄星催葢知其西南信緊且彝陵濱江故也然猶照州縣大小分派米豆草束鍋鋤樁繩牽纜等項俱赴常德應付北上以鄖陽知府劉作霖統領之復上自西陵下至九江將大小船隻俱攜赴洞庭西岸約五千餘隻其船戶竝州縣運送夫役雲屯蟻聚致米珠薪桂卽逆藩未動而已有不